

Na osnovu člana 69. Statuta Općine Centar Sarajevo-prečišćeni tekst („Službene novine Kantona Sarajevo“, broj 23/04), člana 5. Pravilnika o kriterijima i postupku prijema lica na stručno osposobljavanje bez zasnivanja radnog odnosa u Općini Centar Sarajevo broj:10-30-265/24 od 14.03.2024. godine, a u skladu sa Odlukom o prijemu lica na stručno osposobljavanje bez zasnivanja radnog odnosa u Općini Centar Sarajevo u 2026. godini, broj:10-30-77/26 od 11.02.2026. godine, Općinski načelnik raspisuje:

JAVNI POZIV

za prijem lica na stručno osposobljavanje bez zasnivanja radnog odnosa u Općini Centar Sarajevo

Naziv pozicije:

- 1. Lice sa VSS/VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova5 izvršilaca**
- 2. Lice sa IV stepenom srednje stručne spreme2 izvršioca**

Pravo prijave na Javni poziv imaju lica koja poslije završenog obrazovanja nemaju uopće ili nemaju dovoljno radnog staža/iskustva neophodnog za samostalan rad i polaganje stručnog ispita.

Prijem lica na stručno osposobljavanje bez zasnivanja radnog odnosa vrši se na određeno vrijeme u trajanju najduže do 12 mjeseci za lica sa završenim visokoškolskim obrazovanjem, odnosno najduže do 10 mjeseci za lica sa završenim srednjoškolskim obrazovanjem.

Kandidat treba ispunjavati sljedeće opće uslove:

- da je državljanin Bosne i Hercegovine;
- da je stariji od 18 godina;
- visoka stručna sprema-VII stepen, odnosno završen prvi, drugi ili treći ciklus Bolonjskog sistema studiranja koji se vrednuje sa najmanje 180 ECTS bodova, odnosno završen IV stepen srednje stručne spreme;
- da nakon sticanja visoke stručne spreme VII stepen, odnosno završenog prvog, drugog ili trećeg ciklusa Bolonjskog sistema studiranja nema 12 (dvanaest) mjeseci radnog iskustva, odnosno nema 10 mjeseci radnog iskustva nakon sticanja srednje stručne spreme.

Postupak bodovanja:

1. Prosjek ocjena dodjeljuju se sljedeći broj bodova:

Za prosjek ocjena sa studija:

- Za prosjek ocjena od 7,00 do 7,99 -7 bodova
- Za prosjek ocjena od 8,00 do 8,99-10 bodova
- Za prosjek ocjena od 9,00 do 9,99 -15 bodova
- Za prosjek ocjena od 10 -20 bodova

Za prosjek ocjena srednjoškolskog obrazovanja

- Za prosjek ocjena od 3,00 do 3,99 -10 bodova
- Za prosjek ocjena od 4,00 do 4,99-15 bodova
- Za prosjek ocjena od 5-20 bodova

2. Ostvareno priznanje tokom školovanja:
 - Student srebrna značka -10 bodova
 - Student generacije ili zlatna značka -15 bodova
 - Učenik generacije -10 bodova
3. Za trajanje nezaposlenosti dodjeljuju se sljedeći bodovi:
 - Do jedne godine -5 bodova
 - Preko jedne do dvije navršene godine -10 bodova
 - Preko dvije do navršene tri godine -15 bodova
 - Preko tri godine 20 bodova

Pod trajanjem nezaposlenosti podrazumijeva se period od prijavljivanja na evidenciju kod Službe za zapošljavanje sa visokom školskom spremom, odnosno sa srednjom stručnom spremom, pa zaključno sa danom objavljivanja Javnog poziva.

4. Mjesto prebivališta na području općine Centar -20 bodova

5. Po osnovu invalidnosti (u visini od najmanje 60%) dodjeljuje se- 5 bodova

6. Po osnovu pripadnosti boračkoj populaciji u skladu sa Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (bodovi se dodjeljuju u skladu sa Uredbom).

7. Intervju- od 10 do 20 bodova

Spisak potrebnih dokumenata:

1. Potpisana prijava sa kraćom biografijom;
2. Uvjerenje o državljanstvu (ne starije od 6 mjeseci);
3. Dokaz o završenom obrazovanju:
 - a) Univerzitetska diploma ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova;
 - b) Diploma/svjedodžba o završenoj srednjoj stručnoj spremi IV stepen;
4. Dokaz o ostvarenom prosjeku ocjena cjelokupnog završenog studija na fakultetu, (prosjeck ocjena svih studijskih godina), odnosno diplome/svjedodžbe o završenoj srednjoj stručnoj spremi IV stepena;
5. Uvjerenje nadležne Službe za zapošljavanje o dužini trajanja nezaposlenosti nakon sticanja diplome (pod trajanjem nezaposlenosti podrazumijeva se period od prijavljivanja na evidenciju kod Službe za zapošljavanje sa visokom stručnom spremom, odnosno sa srednjom stručnom spremom, pa zaključno sa danom objavljivanja Javnog poziva (Uvjerenje treba biti izdato nakon objavljivanja Javnog poziva);
6. Dokaz o utvrđenom stepenu invalidnosti (za kandidate kod kojih postoji utvrđen stepen invalidnosti od 60% i više);
7. Uvjerenje kojim se dokazuje da je kandidat: dijete šehida ili dijete poginulog borca ili dijete bez oba roditelja, RVI ili dijete RVI, nosilac ratnog priznanja ili dijete nosioca ratnog priznanja, da ima status demobilisanog borca ili je dijete demobilisanog borca;
8. CIPS- prijava mjesta prebivališta (ne starija od 6 mjeseci);

9. a)Dokaz da kandidat nema ostvaren radni staž/iskustvo preko jedne godine, nakon stečenog visokog obrazovanja (Potvrda/Uvjerenje Federalnog zavoda za PIO/MIO ukoliko kandidat nema ostvarenog staža uopšte ili Uvjerenje o podacima registrovanim u matičnoj evidenciji Federalnog zavoda PIO/MIO uz obaveznu potvrdu ranijeg poslodavca ili dokaz da kandidat nije radio na poslovima sa visokom stručnom spremom ukoliko kandidat ima ostvaren radni staž);

b) Dokaz da kandidat nema ostvaren radni staž/iskustvo u trajanju od 10 mjeseci nakon sticanja srednje stručne spreme Potvrda/Uvjerenje Federalnog zavoda za PIO/MIO ukoliko kandidat nema ostvarenog staža uopšte ili Uvjerenje o podacima registrovanim u matičnoj evidenciji Federalnog zavoda PIO/MIO za lica koja se prijavljuju na stručno osposobljavanje bez zasnivanja radnog odnosa, nakon sticanja srednje stručne spreme;

9.Potvrda sa fakulteta o statusu/ studiju koji pohađa kandidat (za nastavak studija);

10.Dokaz da je kandidatu dodijeljena nagrada student generacije/srebrna značka ili zlatna značka, ukoliko istu posjeduje, za srednju stručnu spremu dokaz da je učeniku dodijeljena nagrada učenik generacije, ukoliko istu posjeduje;

Sve kopije dokumenata predaju se u originalu ili ovjerenoj fotokopiji.

Preliminarna rang Lista kandidata koji su blagovremeno dostavili potpunu dokumentaciju i koji ispunjavaju opće uslove iz Javnog poziva utvrđuje Komisija za izbor koju imenuje Općinski načelnik. Nakon objave Prelimarne rang liste, Komisija će obaviti usmeni razgovor – intervju, sa kandidatima koji su formalno-pravno zadovoljili uslove Javnog poziva. Bodovanje kandidata će se izvršiti u skladu sa kriterijima utvrđenim u Javnom pozivu.

Kandidati čije prijave nisu razmatrane zato što su neblagovremene, nepotpune ili zbog neispunjavanja uslova iz Javnog poziva, kao i kandidati koji smatraju da bodovanje nije izvršeno u skladu sa objavljenim kriterijima mogu u roku od 8 dana od dana objave Preliminarne rang liste i podnijeti prigovor Općinskom načelniku. Odluka Općinskog načelnika donesena po prigovoru je konačna.

Općinski načelnik na osnovu dostavljene konačne Rang liste prijedloga Komisije za prijem kandidata, donosi konačnu Odluku o izboru lica na stručno osposobljavanje. Odluka o izboru lica na stručno osposobljavanje je konačna i objavljuje se na WEB stranici Općine Centar.

Javni poziv ostaje otvoren 15 dana od dana objave.

Nepotpune i neblagovremene prijave se neće uzeti u razmatranje.

Prijave sa traženom dokumentacijom dostaviti na Protokol Općine Centar ili putem pošte, preporučeno, sa naznakom "Prijava na Javni poziv za prijem lica na stručno osposobljavanje bez zasnivanja radnog odnosa– Ne otvaraj".

OPĆINSKI NAČELNIK

Srđan Mandić

